

S LO
Afl. 1.25
Di Pueblo

BRIYANDO FUERTE • TRECIENDO CLARIDAD
DIARAZON 3 JULI 2024

OMBUDSMAN

**FINALMENTE TA BIRA
REALIDAD NA ARUBA**

*Fraccion di MEP lo scoge na un forma
imparcial



WWW.SOLODIPUEBLO.COM



SOLODIPUEBLO@GMAIL.COM

**E LO A MISHI CU
WAYANAN DI CORIENTE:
PATRICK A. THODE(58)
TA PERDE SU BIDA
CORTANDO MATA
ARIBA AVENIDA
NELSON O. ODUBER**



**YIU HOMBER DI EX PARLAMENTARIA DI AVP Y
SU EX PAREHA PERSIGUI PA MALTRATA HOMBER
BURACHI SEVERAMENTE**

**Hulanda tin gobierno nobo
GABINETE SCHOOOF I A
HURAMENTA DIAMARS
DIA 2 DI JULI**



Cuminsando cu 4 florin, bo por gana e suma grandi aki

Afl.


1225.000,-

Obtenibel na cualkier rebendedo di Lotto.

sorteo ta awe nochi 7:45 pm



HUNGA AWO



WWW.EA.AW, WWW.PAPIAMENTO.AW, +297 528 3400, STADIONWEG 37, ORANJESTAD, ARUBA Registracion pa Prueba di Naturalisacion

Oranjestad, 2 di juli 2024

Seccion Examen di Departamento di Enseñansa Aruba ta informa cu inscripcion pa e Prueba di Naturalisacion (Naturalisatietoets) pa aña 2024 a habri.

Pa inscribi pa e Prueba di Naturalisacion 2024 mester registra online pa medio di un formulario di registracion. Pa por haci esaki mester di un Gmail-adres. No por uza otro email adres. Tampoco no por acepta registracion na balie of via emailadres naturalisacion@ea.aw.

Registracion ta habri dia 1 di juli 2024 te cu 31 juli 2024 tanten cu tin cupo pa 2024. Si acaso esaki yena, ta cera registracion mas trempan y/of ta pone bo riba lista di 2024 por si acaso un aplicado a cay afo.

Por favor tene cuenta cu na momento di registra mester upload e siguiente documentonan den pdf:

- un scan (pdf) di paspoort valido;

- un scan (pdf) extracto di registro civil di Aruba (papel di Censo di 5 florin, no mas bieu cu 6 luna);

- un scan (pdf) di e verklaring(nan) otorga, den e caso cu a yega di haci e prueba caba;

- un scan (pdf) di e Certificado di Prueba di Naturalisacion di Papiamento/Hulandes otorga te cu 2010;

- un scan (pdf) di bo diploma EPB-arbeidsmarkt of SPO y bo lista final di cifranan den caso cu tin esakinan.

Di e registracionnan cu drenta Seccion Examen ta check si esakinan ta completo. Ta acepta y procesa solamente aplicacionnan cu ta completo. Despues e candidato ta ricibi un email cu ta confirma cu a haya su registracion y cu su nomber ta riba lista pa participa na e prueba.

Finalmente ta ricibi un di dos email pa pasa busca un carta di convocacion cu e fecha, ora,



luga y informacion tocante pago pa e prueba.

Mas informacion

Pa mas informacion tocante e Prueba di Naturalisacion y pa e formulario digital di registracion mester bishita e website www.ea.aw. Riba e website ta busca Naturalisatietoets na letter (N) of Prueba di Naturalisacion na letter (P) den e menu di alfabet. Ta conseha tambe pa sigui e desaroyonan pa medio di Facebook of Instagram @educationaruba.

Minister Rocco Tjon: A HACI PALABRACIONNAN CONCRETO DURANTE E JUSTITIEEL VIERLANDEN OVERLEG NA HULANDA



E siman tras di lomba tawata uno exitoso segun minister di husticia y asuntonan social sr. Rocco Tjon, kende tawata presente na e Justitieel Vierlanden Overleg na Hulanda. Esaki ta e plataforma caminda tur cuater minister di husticia di reino ta bin hunto pa asina discuti diferente

topiconan. Topiconan cu ta toca e parti di combati criminalidad organisa, prevencion pa loke ta criminalidad bou di nos hobennan, kustwacht, ministerio publico, corte comun, pero tambe e plataforma nobo cu a wordo introduci pa loke ta un colaboracion estrecho entre tur e hefenan di

inmigracion den reino.

Durante e reunnionan tras di lomba, a haci palabracionnan concreto, caminda a dicidi cu kustwacht ta bay wordo amplia pa Aruba, esaki ta nifica cu lo conta cu 20 funcionario adicional pa asina fortifica e departamento aki, cu consecuentemente por percura pa mas seguridad na nos frontera. Banda di esaki, e colegio di Alto Comisaronan di polis a haya 3.5 miyon euro aloca, pa di e forma aki por sigui fortifica e diferente departamento hudicial.

Tambe, e proposicion di parti di Aruba pa introduci

un plataforma regional caminda e hefenan di Inmigracion ta bay traha mas di serca hunto tambe a wordo aproba, pues lo bay inicia e parti aki. Esaki, no lo toca e parti operacional so, pero tambe e parti pa e experticio sigui wordo amplia.

Pa loke ta trata e parti di cuido forensico, e decision a wordo tuma pa establece e proposicion pa Hulanda cubri e gastonan pa e siguiente cuater pa cinco aña, pa asina por bin cu un program manager, pa di e forma ey e parti di cuido forensico den reino tambe haya mas atencion.

Por ultimo, manera ta conoci, april ultimo tawata



tin un congreso grandi riba e tema di cuido forensico na Curaçao, caminda tur minister di husticia di reino a participa y diferente palabracion a wordo haci entre tur stakeholder. E ta importante pa esaki wordo ankra a base di un plan a largo plaso, pa asina e tema aki por keda haya su debido atencion.

E LO A MISHI CU WAYANAN DI CORIENTE: PATRICK A. THODE(58) TA PERDE SU BIDA CORTANDO MATA Ariba AVENIDA NELSON O.ODUBER



Avenida Nelson O.Oduber - Diamars mainta rond di 9'or polis y ambulance a wordo manda cu urgencia pazuid di ex House Of Cheng ariba e caminda, unda cu coriente a dal un persona.

Na yegada di polis, nan ta topa un famia ta dunando CPR, aki ta solicita ambulance cu maximo urgencia.

Dos ambulance a presenta y mesora a start e protocol, pa cuminsa reanima.

Locual a sosode

Na e sitio nos por a mira autonan di Elmar y despues di DOW.

E cabayero aki di un compania priva semper ta corta e matanan pa Elmar, pues segun e compania e no ta desconoci cu e trabou.

Durante cu e tawata ariba cortando e matanan cu a crece rond di un di e wayanan di coriente, e tool cu e tawata tin a mishi cu esaki.

E colega na tera mesora a baha e bucket, unda cu e la mira cu e homber no tawata reacciona mas y ta bati alarma.

Apesar di e trabou di Paramediconan, nada mas por a wordo haci pa cabayero cu a lanta trempa pa haci su trabou, cu ta corta matanan halto. Un trabou peligroso si bo mester corta cerca di wayanan di coriente.

No a keda nada mas pa avisa dokter y e otro departamento na e sitio Janina di Slachtofferhulp tambe a yega y mester a warda ariba dokter Forensico.

E cabayero cu a fayece ta Patrick Alvin A. Thode 25 - 9 - 1965 e tin 58 aña.

Nos ta manda palabranan di forsa y condolencia na su famia den e momentonan duro aki.



**TRABOU DI MANTENCION
RIBA LIÑA DI CAS Ariba**
Interupcion di Coriente Planea

En conexion cu trabounan necesario pa mantene un suministro di coriente confiable, e servicio di coriente lo wordo interumpi:

**Diahuebs, 4 di juli 2024
8:30 AM te cu 4:00 PM**

Den vecindario di:

- Cas Ariba (un parti)
- Seroe Compa (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.



ELMAR



NoticiadiCorte

YIU HOMBER DI EX PARLAMENTARIA DI AVP Y SU EX PAREHA PERSIGUI PA MALTRATA HOMBER BURACHI SEVERAMENTE -1

orte di Husticia, diabierna ultimo a trata e caso penal cu Ministerio Publico a cuminsa contra e ex Parlamentaria di AVP, Laina Westerhof, su yiu homber D.K.(17) y su ex pareha N.H.(33). Un parti di tratamento di e caso ya a publica tocante droga caminda Fiscal ta haya Laina culpabel di posesion di droga y tambe N.H.

SOLO DI PUEBLO por a compronde cu Fiscal a cuestiona e forma con D.K. y N.H. a maltrata e homber B., cu tabata burachi di su auto y horta su pertenencianan.

Fiscal a acusa D.K., kende e tempo ey tabatin 16 aña y N.H. cu dia 26 November 2023 a causa lesion fisico grave riba e homber B. Fiscal a bisa cu intencionalmente nan a dal e homber B. cu mokete y scop varios biaha na su cabez y cara. Ta asina cu B. a keda cu sicutriz na su cara.

Tambe Fiscal ta acusa nan di a horta propiedadnan di e homber B. for den su auto, despues di a caba di maltrat'e.

MALTRATO SEVERO

Hues a puntra D.K. si ta berdad cu el a maltrata e homber B. Segun D.K., nan kier a yuda e homber B. cu tabata burachi pero B. a mishi cun'e y D.K. y N.H. a bringa cun'e.

Hues a muestra cu segun e rapport di Polis, dia

26 November 2023 mas o menos 5'or marduga nan a bay banda di e retonde di Pos Chiquito. Polis a topa cu e homber B. tur na sanger. El a bisa cu e tabata na un Chines, el a duna 2 homber lift y ora nan yega na e retonde, nan bringa cun'e. Nan a bay cu su celular. Polis a mira cu e auto tabata full na sanger. A pidi Ambulance pa hiba B. hospital. Su wowonan tabata tur hincha y marcanan blauw. E homber B. a bisa cu e no sa si e dos hombernan a bay cu otro cosnan. E ta sinti falta di un tas cu laptop y un otro tas cu herment, su holoshi, su celular. Hues a bisa cu e rapport medico ta muestra cu B. a sufri trauma na cara y 2 kap basta hundo na su frenta. Tur dos wowo tabata hincha y blauw. Despues di 1 luna, e homber B. a bay na Polis y Polis a nota cu B. tin sicutriz na su cabez di e maltrato. Polis a bis'e cu for video di seguridad di cas banda di retonde y for di e Chines, por a mira cu B. no a duna e hombernan lift. El a bisa cu e tabata burachi y e dos hombernan a maltrat'e y el a perde conocimiento. Polis a pidi hende na Pos Chiquito imagennan di seguridad. Riba video por a mira mas o menos 2.41 di marduga, e auto staciona banda di caminda cu luznan sendi. Banda di 3.30 un KIA Sportage a para banda di e auto y

dos hende homber a cana bay na e auto. Esaki pasobra e auto tabata para mey mey di caminda. E KIA a sigui core cu su luznan paga. Nan mira e auto ta manera reverse y e KIA ta bin bek y para otro banda di caminda. E auto a para dilanti un cas. E dos hombernan tabata N.H. y D.K. cu a bay papia cu B. Polis a mira cu B. a purba habri e porta y N.H. a dal e porta sera cu su pia. Despues nan a maltrata e homber B. y despues nan a cana bay. N.H. a tira e yabi di auto di B. afor. E homber B. a bay drumi den e auto. N.H. y D.K. a bay den e KIA y core bay. Banda di 5'or, B. a habri porta di e auto. Polis a reconoce D.K. cu ta train Muay Thai Kickboxing na Tanki Leendert.

D.K. a bisa cu el a dal B. mokete y scop. El a habri porta di e auto y bay dal B. Segun D.K. e homber B. tabatin intension di bringa cu nan. Segun N.H. e kier a yuda B. pa hib'e su cas pero B. a bira agresivo y kier a bringa cu nan. Segun N.H., B. a cuminsa tira mokete door di bentana y e ora ey el a dicidi di dal B. cu mokete. Hues a muestra cu D.K. a declara na Polis cu el a coy un tas for di e auto y bay cun'e. Tambe cu el a bisa cu N.H. a coy e celular y holoshi di pols di e homber B. N.H. a bisa cu e no ta corda cu el a drenta den e auto y no a coy cos.

DURANTE UN CONTROL DI AUTO "ROUTINARIO" A DETENE HOMBER NO LOCAL



Palm Beach - Dialuna anochi pa mas o menos 7'or polis di distrito di Noord a bay controla un Kia Soul, esaki tawata altura di Paseo Herencia.

Pa ta mas exacto pazuid di e mall.

Aparentemente e vehiculo lo por a haci algun movecion straño cu a hala atencion di e agentenan, y

esaki a conduci pa controla dicho auto.

Durante e control un cabayero no por a muestra su documento nan di estadia pa ta ariba e isla. Esaki tawata motibo pa nan a detene e homber cu lo ta nacionalidad Colombiano.

A pidi pa transportwagen, y na yegada e la wordo translada pa warda y despues lo wordo hiba Guarda Nos Costa.



Parlamentario Shailiny Tromp-Lee (MEP):

AAA CU UN EDIFICIO NOBO CU TA SOSTENIBEL, CU TA SOLUCIONA LIMITACION DI CAPACIDAD Y TENE CUENTA CU EXPERIENCIA DI NOS BISHITANTENAN

Diabierna 21 di juni 2024, mi a asisti na un bunita anochi caminda Aeropuerto Internacional Reina Beatrix a celebra entrega di Fase 1A di e proyecto Gateway 2030. Manera Prome Minsiter Evelyn Wever-Croes mes ta subraya esaki sigur ta un otro hoyo di proyecto di su Gabinete y mi ta concorda sigur cu su persona. Ta proyecto tras di proyecto ta keda anuncia na beneficio di nos pais y hendenan (deportivo, seguridad, turistico, social y mas).

Na 2021 Aruba Aitport Authority (AAA) a anuncia cu e Proyecto Gateway 2030 ta bay continua despues cu pa motibo di Covid nan a para esaki na 2020. E tempo ey nan a informa cu ta trata di un inversion di 140 miyon dollar cu lo crea mas di 200 cupo di trabou directo. Esaki memey di un pandemia, caminda e momento ey Aruba tabata trahando incansablemente pa domina e virus y pa poco poco yega na un grado di normalidad bek. Sigur e tabata un tremendo noticia y awe e entrega di Fase 1A ta un logro grandi pa AAA y Aruba pasobra esaki sigur lo tin un impacto positivo pa nos industria turistico y nos hendenan cu ta biaha.

Gateway 2030 ta un proyecto hopi importante cu ta atende cu limitacionnan di

capacidad cu Aeropuerto Internacional Reina Beatrix tin y cu ta tene cuenta cu e experiencia cu nos kier brinda nos bishitantenan. Na mes momento AAA a indica cu nan lo enfoca riba e parti di sostenibilidad y awe nos tin un edificio nobo cu tin un Gold Leed certification. Diferente decision den diseño y innovacion a keda haci pa crea un berdadero edificio sostenibel. Entre nan a minimalis e demanda di energia mediante incorporacion di un sistema mecanico di alto eficiencia energetico, proteccion di calor solar y un dak cubri cu solar panels. Banda di esaki a haci por ehempel uzo di materialnan di construccion recicla cu ta contribui na economia circular. Tambe e disenyo a percura cu por uza awa condensa di e sistema mecanico pa iriga e matanan na airport.

Fase 1A di Gateway 2030 ta consisti entre otro di construccion di un sala de ekipahe, implementacion di un sistema nobo pa atende cu ekipahe y ampliacion di e sala di facturacion di Merca. Un sala completamente nobo di US Departures, cual lo ta completamente operativo na comienso di 2025. Un facilidad moderno, espacioso y cu pinturanan di e artista local Armando Goedgefrag.



Un edificio cu a keda construi 100% cu companianan local cu e meta pa apoya nos economia. 100% local kieren cu e companianan Albo Aruba NV, Bohama Aruba NV, Arubaanse Wegenbouw Maatschappij (AWM), Croon Caribe y CHS Technical Contracting and Trading Company N.V. hunto bou di e nomber ABC Project Venture a ehecuta e gran proyecto aki. Durante di e anochi di celebracion AAA a gradici cada un di nan pa cu realisacion di e proyecto.

Durante e anochi special aki tambe a tuma despedida di e actual CEO di Aruba Airport Authority N.V., señor Joost Meijs, cu desde 2019 ta den e funcion aki. Na Juli venidero su contrato di cinco aña ta termina. Durante e anochi aki nos Minister President, Minister Dangui Oduber y Hunta Supervision di AAA a gradici señor Meijs pa su contribucion cu pais Aruba y a dese'e hopi exito den futuro. Minister Oduber a enfatisa cu e proyecto aki



lo pone cu Aruba lo tin e mihor aeropuerto den caribe. Sigur un proyecto cu tin e signatura di e gabinete Wever Croes cu a crea tambe un spinoff economico y crea hopi cupo di trabou.

Mi kier felicita Aeropuerto Internacional Reina Beatrix, Gabinete Wever-Croes especialmente Minister Dangui Oduber pa nan vision y determinacion y e ekipo completo di AAA cu a haci e proyecto aki posibel.

Despues di a condena e accion di retiro di personal memey di e pandemia door di AAA, mi a aplaudi e decision di AAA na 2021

pa continua cu Gateway 2030. E tempo ey mi a indica cu mi ta mira e decision como un manera pa AAA drecha su imagen den pueblo. Awe nos tin un tremendo edificio cu su construccion sigur a yuda aporta na recuperacion di nos economia, brindando un rosea grandi na e 5 companianan di construccion, cu na nan turno a haci uzo di subcontratista y otro negoshinan. Banda di e echo cu e proyecto aki a crea cuponan di trabou pa nos hendenan durante temponan hopi dificil, mester enfatisa cu esaki no ta finalisacion di Gateway 2030, awor ta sigui cu Fase 1B y next fasenan.

YIU HOMBER DI EX PARLAMENTARIA DI AVP Y SU EX PAREHA PERSIGUI PA MALTRATA HOMBER BURACHI SEVERAMENTE -2

FISCAL A CUESTIONA E MALTRATO

Fiscal a remarca cu el a conta 20 biaha cu N.H. a dal e homber B. El a puntra pakico a dal’e asina hopi y cu B. tabata burachi. N.H. a bisa cu cos a bay full robez. D.K. a dal 5 pa 6 scop y diferente mokete. Fiscal a remarca cu D.K. ta un bringador professional y pakico a maltrata e homber burachi asina hopi.

Hues a mostra cu N.H. tin carchi di castigo cu diferente condena. Na 2020 el a wordo condena na 6 aña di prison pa intento mata y arma di candela. 1 Augustus 2023, el a haya libertad condicional. Algun luna despues N.H. a maltrata homber B. y awor ta sera pa duna cuenta.

FISCAL TA EXIGI CASTIGO

Fiscal a bisa cu e ta haya legalmente proba cu D.K. y N.H. a maltrata e homber B. y a horta

cosnan di dje. Fiscal a mostra cu D.K. a declara na Polis cu N.H. a bis’e pa bay cu e tas preto y cu el a mira con N.H. a coy e celular y holoshi di B. Na opinion di Fiscal, e slanan cu B. a sufri por wordo considera maltrato severo. Segun hurisprudencia si un hende keda cu sicutriz, ta wordo considera maltrato severo. B. tin dos sicutriz na su frenta. Segun Fiscal, e hecho cu no a haya e holoshi ni e celular y e tas preto, no kiermen cu no tabatin ladronicia. E ta haya D.K. y N.H. culpable di ladronicia.

Fiscal a bisa cu e ta considera esaki un atraco cu violencia. E homber a keda for di tino. Despues cu e tabata for di tino, nan a horta su pertenencianan. N.H. ta un residivista. Apenas N.H. a sali for di KIA y e ta bolbe haci delito serio. D.K. ta un bringador professional y asina

mes e ta bay maltrata un homber burachi. Fiscal a remarca cu D.K. no a mostra cu ta duel’e loke el a haci. Mester informa cu N.H. tambe a wordo persigui pa posecion di droga y bendemento di droga.

Pa N.H., Fiscal a exige 42 luna di prison, di cual 6 luna ta condicional cu 3 aña di prueba. Pa D.K., Fiscal a exige 60 dia di prison di cual 40 dia ta condicional cu 2 aña di prueba y bao guia di Reclasing. Fiscal tambe ta haya cu D.K. mester sinti loke el a haci no ta bon. El a exige 120 ora di trabao pa comunidad pa D.K. y si e no cumpli cu esaki, e lo mester bay 60 dia sera.

Hues despues di a scucha defensa di abogadoonan, a sera tratamento di e caso y a bisa cu dia 19 Juli 2024 pa 10’or di mainta lo tin sentencia.

Prome Minister Evelyn Wever-Croes: Hulanda tin gobierno nobo GABINETE SCHOOF I A HURAMENTA DIAMARS DIA 2 DI JULI



Diamars mainta, 2 di juli, Su Mahestad Rey Willem Alexander a nombra e Gobierno nobo di Hulanda. Gabinete Schoof I a huramenta na Paleis Huis ten Bosch. E gabinete nobo ta wordo forma door di PVV, VVD, NSC y BBB y ta consisti di 16 minister y 13 secretario di estado. Minister President y Minister di Asuntonan General nobo ta Señor Dick Schoof. Secretario di Estado pa Relacionnan den Reino ta Zsolt Szabó.

Prome Minister Evelyn Wever-Croes den nomber di Gobierno di Aruba y di Aruba en general ta desea Premier Schoof y henter su gabinete hopi sabiduria y hopi exito den nan gobernacion. “Mi ta sigur cu nos lo tin un cooperacion fructifero cu Prome Minister Schoof, Secretario di Estado Szabo y demas miembro di e gabinete”, Prome Minister a expresa.



Compronde loke bo ta skirbi y lesa



Invitacion

ANOCHI DI INFORMACION

▼  **3 di juli 2024**

 **6 PM – 7:30 PM**

 **John F. Kennedy Education
Center Aruba | MFR 2**



/ManehoDiIdiomaAruba

Ministerio di Enseñansa y Deporte

UN COLEGA HOPI DEDICA CU AMOR PA TUR PASHENT ENFERMERA NA HOSPITAL REINA SAN JUAN TA EMPLEADO DI LUNA MEI



Enfermera Reina di departamento A4 tabata bezig ta regla algun cos pa su manager y djey nan dos a cana drenta e camber di reunion unda ela topa cu tur dos miembro di Hunta di Directiva, su famia y varios colega directo y indirecto yena cu animo den tema di Hawaii. Su

cara ful sorprendi paso e no a sospecha nada. Un sorpresa masha grandi cu a lag'e emociona. Un momento sigur inolvidabel y merecidamente unda cu a pone Reina den 'spotlight' pa tur e trabou ehemplar cu e ta eherce na HOH.

Reina ta traha

incansablemente pa su pashentnan. E ta switch facilmente entre diferente tareanan y semper ta yena di energia. E ta sumamente flexibel, talentoso y ta responde lihe riba trabounan cu tin cu wordo ehecuta. E ta dedica na duna servicio di calidad di un forma cu solamente Reina por, semper cu respet pa su pashentnan sin importa con druk e por ta. Semper e ta para cla pa su pashentnan y ta keda profesional, calmo y positivo hasta den tempo di stress.

E ta trece un toke unico y ta un inspiracion pa otro coleganan rond di dje. Reina ta un berdadera teamplayer sea cu e ta yuda coleganan directo of tambe di otro departamento.

HOH ta impresiona cu su profundo experiencia y conocimiento di enfermeria. E ta bay 'the extra mile' pa yuda otro y su dedicacion pa ehecuta su trabou di nivel halto ta di admira. Semper e ta busca



manera pa mehora e cuidoy ta surpasa expectativanan. Su coleganan hasta mester cord'e pa tuma pauze cu ta demostra su empuhe enorme pa caba cu trabounan. "Reina ta mi man drechi; e ta traha cu hopi amor y mi por conta semper riba dje. Reina semper t'ey!", su manager di cuidoy Jo-Anne Caster ta conta.

Reina su dedicacion pa sigui tur protocol y percura pa e seguridad di pashent ta di admira. Claramente Reina a demostra di ta un colega ehemplar cu merece e tremendo reconocimiento aki. Hunta di Directiva, management y coleganan ta hopi orguyoso di tin Reina como colega y henter team HOH ta spera cu e keda hopi mas aña cu nos. Masha pabien Reina!

Maneho di Idioma:

ANOCHI DI INFORMACION PA E MAYORNAN CU NAN YIU TA INICIA KLAS 1 AUGUSTUS PROXIMO

Diaranson 3 di juli 6:00 pm na JFK Education Center

Manera ta conoci, entrante aña escolar 2024-2025, e alumnonan di klas 1 di scol basico lo siña lesa y skirbi na Papiamentu. Lo duna Hulandes cu un acercamento nobo cu ta pas mas den e contexto di nos muchanan. E ta cientificamente proba cu si e muchanan forma un base fuerte den nan propio idioma, nan por siña e otro idioma hopi mas facil y miho. Ademas, siña lesa y skirbi den idioma materno Papiamentu lo haci cu e muchanan lo compronde loke nan ta skirbi y lesa y lo stimula nan habilidadnan di siña en general. Esaki lo ta beneficioso pa e muchanan, mirando cu nan lo bira

critico di pensamiento y lo ta mas prepara pa duna nan opinion durante les, den nan propio idioma. Tambe nan por conecta miho cu nan rais cultural. E muchanan lo sinti mas sigur den nan proceso di siñamento, pasobra esaki ta alinia cu nan idioma materno y nan cultura.

En conexion cu esaki, e mayornan cu nan yiu ta cuminsa klas 1 di scol basico pabou di brug aña escolar binidero, ta cordialmente invita pa un anochi di informacion cu ta tuma luga, diaranson 3 di juli di 6:00 pm pa 7:30 pm na John F. Kennedy Education Center MFR 2.

EN CUADRO CU PEL, MINISTER ENDY CROES TA FELICITA 44 EMPLEADO CU A RICIBI NAN CERTIFICADO DI BEROEPSPRAKTIJKVORMING



Diabierna ultimo, Minister di Enseñansa y Deporte Endy Croes hunto cu Prome Minister Evelyn Wever-Croes a acudi na Auditorium di Colegio EPI, en conexion cu proyecto di Plataforma Enseñansa y Labor (PEL). Sra. Eddelyn Dijkhoff, kende ta encarga di e proyecto aki tambe tabata presente. Den e ocasion aki a entrega certificado na alrededor di 44 empleado di 22 compania cu a participa den e “Beroepspraktijkvorming” di Plataforma Enseñansa y Labor (PEL).

E meta di esaki ta pa tin un miho

acoplacion entre enseñansa y necesidad di mercado laboral, preparando nos studiantenan na e nivel cu mercado laboral ta exige. Pa motibo aki a bin cu e training di BVP, unda e companianan por guia e stagiarnan di scol practico (beroepsonderwijs) di entre otro, Openbare Avondleergangen Aruba (OAA), Educacion Profesional Basico (E.P.B.) y Colegio EPI di un forma mas eficiente. Cu e curso aki e companianan tin e conocimiento pa guia e stagiarnan di e forma corecto.

E mandatario di Enseñansa a gradici Sra. Eddelyn Dijkhoff pa e



gran trabou el a desplega durante ta gradici tur cu a contribui



20 aña na Colegio EPI y a dese’e hopi exito cu e proyecto di PEL. Ademas di esaki, a introduci Sr. Ninon Swean cu lo bay tuma e posicion di Sra. Dijkhoff na Colegio EPI. Minister Endy Croes

den e proyecto di Plataforma Enseñansa y Labor. Alabes, felicita e 44 empleadonan cu a ricibi e certificado pa e training di “Beroeps-praktijkvorming”.

Prome Minister Evelyn Wever-Croes:

PROME MINISTER A ATENDE E ACTO CEREMONIAL DI TRASPASO DI MANDO PRESIDENCIAL NA PANAMA

"Un momento super oportuno pa estrecha lasonan y realisa e deseo di ta mas fuerte posiciona"

Dialuna ultimo, den oranan di merdia y atardi, Prome Minister Evelyn Wever-Croes tabata presente na e acto ceremonial di traspaso di mando presidencial na Panama, entre e Presidente saliente, señor Laurentino Cortizo y e Presidente nobo señor José Raúl Mulino. Despues di e ceremonia, esnan presente tabata tin e oportunidad di saluda y combersa un poco cu Presidente Mulino y e Primera Dama.

Presente na e ocasion special aki tabata Rey Felipe VI di Spaña, y presidentenan di Colombia, Republica Dominicana, Costa Rica, Honduras, y di Barbados. Tambe tabata presente Prome Ministernan di Aruba y di

Belize y Vice-Presidente di Guatemala y El Salvador.

Un di e metanan di Gobierno di Aruba ta pa posiciona Aruba como un pais fuerte den region, pa asina logra ta poco mas independiente di Hulanda. P’esey eventonan asina, na unda Aruba tin e oportunidad di estrecha lasonan cu otro pais ta di suma importancia. Prome Minister a indica cu e acto ceremonial aki tabata un momento super oportuno pa por a cera conoci y combersa cu e representantenan di e paisnan presente, pa asina estrecha lasonan y realisa e deseo di ta mas fuerte posiciona.

Prome Minister, den nomber di Aruba y di



Reino, ta desea Presidente José Raúl Mulino y henter e pueblo di Panama hopi exito y tur cos bon den e periodo nan dilanti.

Nos Geo-politica, extraño y bruha

Fin di guerra na Ucraina? 240701

E guerra na Ucraina ta sigui mientras ta bisto cu na Ucraina, e sosten di paisnan di Nato no a yuda mucha y Ucraina ta sufriendo un derota mahos y no tin nada pa cambia esaki.

E conferencia di Zelensky na Luzern Suisa.

Algun siman pasa tabatin un conferencia di Paz ariba Ucraina. E tabata wordo yama e 'Zelensky's peace conference'.

No tabatin nada memorable na e conferencia aki y ni a produci algo drechi. Durante e conferencia un declaracion por a ser firma, pero hopi paisnan participante no a firma e declaracion aki. Tambe tin cu a firmele, despues a pidi pa elimina nan firma. E paisnan di Nato y nan aliadonan hopi pega a firma e declaracion aki.

E otro partido den e guerra, Rusia, no a ser invita mes, pues e conferencia no por ser cualifica como un conferencia pa busca paz pa e guerra na Ucraina. Conoci tambe ta cu e paisnan fuerte na Mundo manera China India y Merca no a manda nan presidente na e conferencia aki. Sigur e ausencia di Biden, e aliado mas fuerte di Ucraina ta bisa hopi.

E temanan mas importante durante e conferencia tabata desicionnan pa Ucraina ricibi mas ayuda militar y financiero, tambe un banquete luho durante e conferencia.

Den corto historia di algun conflictonan Arma y e solucionnan

despues di 1945.

Despues di e II Guerra Mundial e nomber di guerra a ser cambia den "conflicto arma". Tambe ta un hecho cu despues di II Guerra Mundial a nace un polis global cual ta NU (Nacionnan Uni) y via resolucionnan di CSNU ta pone e partidonan na mesa di negociacion y busca un solucion.

Hopi acuerdonan di Paz a ser logra despues di procesonan di paz, manera ta e casonan na Korea, Cyprus, Kashmir, na Africa, na Balkan na Europa y tambe problemanan entre republicanan di Ex-Union Sovietico

Maske tin casonan cu no a yega na solucion manera e caso di Palestina. Israel tin mayoria di teritorio di Palestina ocupa for di 1948, cual ta contra desicion di NU, tampoco Israel no kier sali di e teritorionan di Palestina. Aserca ningun pais por a saca Israel for di e teritorionan di Palestina, cu Israel semper violando derechonan humano. Conoci di algun siman atras ta e resolucion aproba den CSNU pa un tregua na Gaza, un resolucion cu Merca ta bisa cu ta di Israel, pero cu Israel mes no ta respeta y ta sigui bombardea Gaza. E postura di Israel cu ayuda di Merca ta e motibo principal di mayoria di e gueranan na Medio-Oriente.

E era di 1992 pa 2022, Merca/Nato e poder unipolar na mundo, hopi gueranan immoral. Tambe tin e caso di e guerra di Vietnam, unda Merca cu a inicia e guerra, despues

cu Francia, ex colonizador di Vietnam a sali di Vietnam y Merca a drenta, segun nan declaracion pa preveni cu comunistanan ta coy poder na Sur-Vietnam. Despues di perdidanan grandi, demonstracionnan na mundo henter y agitacionnan grandi contra Merca, por bisa Merca a perde e guerra. Merca a bandona e guerra y laga su aliado (Sur-Vietnam) sigui cu un guerra perdi, contra di esnan cu tabata ganando e guerra, Nort-Vietnam. Finalmente Sur-Vietnam a perde e guerra. Nort- y Sur-Vietnam a stop di existi y nos tin UN VIETNAM.

Despues cu Union Sovietica a stop di existi na final di 1991, nos a drenta na 1992, e era Unipolar, unda Merca/Nato tabatin tur poder. Durante e periodo aki, a kita e poder di UNO y Merca/Nato tabata e unico polis mundial. Merca/Nato semper tabatin rason y tur otro instancianan tabata fout y nos a conoce e gueranan immoral na Yugoslavia, na Afghanistan, na Libya, na Irak, na Syria, na Sudan, na Somalia, na Jemen. Por bisa tambe cu e guerra na Ucraina, cual a cuminsa na 2014 te cu final di 2021 tabata e caso, pa loke ta e postura di rasonamento di Merca/Nato. Na 2022 a inicia e era Multipolar unda cu banda di Merca/Nato, Rusia y China a surgi como podernan na Mundo. E guerra na Ucraina a inicia den un era Unipolar na 2014 y awor nos ta den un mundo Multipolar.

Acontecimentonan na Ucraina prome cu 2014, na inicio di e guerra y despues.

Despues di eliminacion di Union Sovietica y e Pacto di Warshaw na 1991, Merca/Nato acuminsa cu e asina yama revolucionnan di color na Europa oriental Na 2006 Janucovich ta gana e eleccion Parlamentario y despues na 2010 Janucovich a gana eleccion pa presidente di Ucraina, cu apoyo grandi di poblacionnan Ruso-parlante. Na fin di 2013, gobierno di Janucovich a scoge pa un mihor deal financiero/economico cu Rusia compara cu e acuerdo di aso-

sacion cu UE. Demonstracionnan masal cu violencia extremo durante e Revolucion Maidan tabata motibo pa Presidente Janucovich bay Kharkov, e di 2 ciudad di Ucraina, na inicio di 2014. E revolucion Maiden, segun e secretario di Merca pa asuntonan di Europa Oriental, sra Victoria Nuland, Merca a hinca 5 biyon dolar (VIA CIA) den e revolucion. Despues violencia y menasanan contra parlamentarionan cu tabata apoya Janucovich, a haci cu un gran cantidad di parlamentari- onan cu tabata apoya Janucovich a bandona nan puesto. For di e poco parlamentrionan cu a keda, nan a forma un quorum y parlamento a pasa yen di leyman contra e gobierno di Janucovich, cualnan, for di Kharkiv, Janucovich a rechasa.

Un acuerdo di Janucovich cu e lidernan di oposicion den parlamento, pa forma un gobierno di unidad, cu algun reformanan pa reduci e poder di e presidente Janucovich y pa eleccion tuma lugar mas tempran. Paisnan Europeo a firma e acuerdo, Merca no, pero si Merca a haci un declaracion cu ta apoya pa Janucovich keda como presidente.

E demonstrantenan no a bay di acuerdo y UE, ni Merca no a convence nan pa respeta e acuerdo. Janucovich a hui bay Rusia, de facto e golpi di estado a ser concretisa, reconoci pa Merca y UE.

Despues di e golpi di Estado pa baha Janucovich, desaster na Ucraina

E gobierno nobo a pasa yen di di leyman contra esnan cu ta papia ruso y despues a cuminsa un guerra total contra Ruso-Parlantenan, na Donbas, cual ta consisti di e provincianan Luhansk y Donetsk. Habitantenan di Luhansk y Donetsk a rebeldia y nan a forma nan gruponan arma y a cuminsa un guerra contra e gobierno di Ucraina, sigur cu apoyo di Rusia.

Total a muri na Donbas como

CONTINUA PAG 11

Clasificados

SOLODIPUEBLO@GMAIL.COM
CEL. 585 9500

SOLO De Pueblo

Nos Geo-politica, straño y bruha

Fin di guerra na Ucraina? 240701

CONTINUACION PAG 10

14 mil Ruso-parlante, mayoria Muhernan y Muchanan.

Na augustus 2014, despues cu Ucraina a sufri un derota, a firma e acuerdo di Minsk I, 5 sept 2014. E acuerdo no a stop e guerra y despues cu na januari 2015 Ucraina a sufri otro derota grandi y dia 12 februari 2015 a firma Minsk II. E acuerdonan ta ensera mas autonomia pa e Ruso-parlantenan na Donbas. E paisnan cualnan lo para garante pa e acuerdonan wordo cumpli, tabata gobiernonan di Alemania, di Francia, di Ucraina y lidernan di e republicanan proclama di Donetsk y Luhansk. Tambe e acuerdonan a ricibi aprobacion di CSNU.

Despues na 2022/2023 e presidentenan di Alemania, di Francia y di Ucraina, kendenan a firma e acuerdonan di Minsk, tur a declara cu nan a firma e acuerdonan pa duna Ucraina mas tempo pa por prepara su mes militarmente. Rusia dia 17 dec 2021 a manda un carta na e paisnan di Nato pa sinta na mesa, pa papia ariba e posicion di seguridad pa Rusia y tambe pa respeta e acuerdonan di Minsk. Rusia a ser ignora totalmente y ta invadi Ucraina na febr 2022.

Na april 2022 Rusia y Ucraina a yega na un acuerdo. Den corto esaki ta ensera cu Ucraina nunca lo bira miembro di Nato y ta bay pone e acuerdonan di Minsk den ehecucion. Boris Johnson cu aprobacion di Biden a biaha bay Kiev y ordena Zelensky pa no firma ningun acuerdo cu Rusia y continua cu e guerra. Ucraina lo ricibi tur apoyo militar di Nato.

E conferencia di Zelensky na Suiza a fracasa

E conferencia di Zelensky na Suiza no por a duna resultado. Hasta e idea original pa un resolucion a base di e formula di Paz di Zelensky esta e capitulacion di Rusia no tabata ariba e agenda. Mayoria di discursonan di lidernan politico

specialmente for di Europa, tabata pa continua ariba trahamento di un formula pa crea un proceso di paz.

Tabata di comprende tambe pasobra na mayoria di paisnan unda algun siman prome, e partidonan di gobiernonan cualnan a duna apoyo grandi na Ucraina, a perde den e eleccion pa parlamento Europeo. Pues tabata dificil pa nan fiha un posicion. Maske mester bisa cu e parlamento Europeo ta e unico parlamento na mundo cu no por traha ley. Ta e comision Europeo ta percura pa e leynan y mayoria di desicionnan.

Zelensky ta prepara un otro plan pa termina e guerra.

Durante un conferencia cu e presidente di Slovenia diabierna 28 juni, Zelensky ta anuncia un otro plan pa termina e guerra.

E lo trece e plan pa su partnernan y a bisa ta bon pa mayoria di mundo acepta su plan via canalnan diplomatico. Su plan bieuw di november 2022 a ser rechasa redondamente pa Rusia. Zelensky a bisa cu e no kier pa e guerra sigui, pero Ucraina mester ta fuerte ariba e campo di bataya, su plan ta cla prome cu fin di 2024. Su plan di paz lo ser negocia via canalnan diplomatico, hunto cu su amigonan. E declaracionnan aki Zelensky a haci despues cu un dia prome e a firma un pacto di seguridad cu UE, mesun pacto cu e a firma cu Merca pa Ucraina sigui ricibi ayudo financiero y militar a largo plaso. Esaki, enbista si Trump gana e eleccion presidencial na Merca.

E guerra ta sigui, pero yegando su fin.

No tin speransa pa Ucraina saca un mihor posicion. Mas e guerra dura, mas debil su posicion ta bira y ta wordo bisa cu hasta Ucraina por desparce.

Na final di 2022 Rusia a analisa su situacion militar, tabatin un falta grandi di militar, nan a trece leynan pa engrandecere e ehército Ruso. Na final di 2023, como cuatercienmil solda, bon entrena durante 7 luna, cu e armanan

moderno, cu tankinan di guerra nobo y otro armanan sofistica, a drenta den bataya. Esaki a duna resultado cu e aña aki tur bataya ta ser gana rapidamente y Rusia ta avansando. Rusia un biaha mas e aña aki, ta cla pa hinca algun cienmil solda nobo den e lucha na Ucraina. Di otro banda tin Ucraina cu falta di militar, falta di arma y equiponan militar. Hopi comentaristanan for di campo di Bataya, kendenan ta wak e realidad, ta di opinion cu nos ta na bispo di un colapso di e ehército di Ucraina.

Si nos tuma na consideracion e derotanan politico den eleccionnan na Alemania, na Francia, na otro paisnan di e amigonan di Zelensky y e derotanan cu ta biniendo na Inglatera y Merca, segun e comentaristanan, tem-

po ta cabando pa Ucraina, No ta keda nada otro pa negocia cu Rusia a base di e proposicionnan di Rusia.

Na 2014, Ucraina a perde Crimea. Segun e acuerdonan di Minski y esun di Istanboel, Donetsk y Luhansk ta ricibi mas autonomia, pero ta keda parti di Ucraina, pero rechasa pa Ucraina y e guerra ta sigui. Na sept 2022, Donetsk, Luhansk, Zaporizhshia y Kherson, 4 provincianan ta vota pa bira parti di Rusia. Si e guerra sigui, Kharkif y Odessa tambe cu poblacionnan Ruso-parlante, por scoge pa bira parti di Rusia.

Pa Ucraina e apoyo di Nato no a, ni lo duna ningun resultado, mas liher nan yega na un acuerdo cu Rusia pa para e guerra, mas mihor pa nan, pa nan no perde mas territorio.

ORACION DI DIA

Un dia fructifero colma cu e bendicion y
forsa di ariba y yena cu Spirito Santo

"Pasobra esun cu Dios a manda ta papia palabra di Dios; pasobra Dios ta dun'E Spirito Santo na abundancia." Huan 3, 34

Dios a manda Hesus pa siña cada un di nos con nos mester biba. Cu nos mester kere y obedece Dios. Kere

den Esun cu Dios a manda, acept'E y respet'E. Ta berdad cu nos ta biba riba e mundo aki pero nos no ta pertenece na e mundo aki. Nada di e mundo aki por duna nos e felicidad

berdadero. Solo Dios por haci e hende feliz. P'esey laga nos haci nos maximo esfuerso pa agrada Dios y biba di acuerdo cu Su santo voluntad.

Ban pidi Dios pa prepara nos pa ricibi Esun cu E lo manda for di shelo pa nos mescos cu E la baha riba Hesus riba dia di Su bautismo cu ta e

Spirito Santo di Dios. E ta Esun cu ta yuda nos y siña nos loke ta e berdad pa nos keda pertenece na Su reino y nos por ta e testimonio cu ta confirma cu Dios semper ta e berdad. Door di esey nos ta haya un bida nobo hunto cu Hesus cu a resucita canando riba e caminda di bida eterno. E unico caminda, berdad y bida cu ta hiba nos na salvacion.

Oracion: Tata Celestial duna nos e gracia pa acepta, kere y respeta Bo Palabra. Laga Bo Spirito Santo por baha riba nos y duna nos e uncion cu semper Bo tin warda pa nos. Amen.

Parlamentario, mr. Gerlien Croes: Compensacion pa costo haltodibida mester yega na tur

Manera tabata di spera, e presupuesto supletorio presenta na Parlamento a keda aproba diahuebs pa coalicion, den su mayoria. Esey no ta kita cu parlamentario independiente mr. Gerlien Croes no por mostra bon cla cu loke e Gabinete Wever-Croes II kier bende como un gesto di solidaridad pa cu e pueblo, no ta nada mas cu pinda tira pa un grupo selecto. Leu di loke e ministernan ta pretende pa nos kere, esta cu ta aliviando e situacion economico pa tur hende riba e isla, indexering ta

manera un druppel den un hemchi bashi.

Parlamentario Croes a cuminsa na mostra kico tur e gobierno actual ta hayando na entrada. Tabelnan completo cu e cifranan oficial ta publica riba su pagina di Facebook pa tur cu kier mira.

E gran recuperacion economico cu ta papia di dje, ta ilustra a traves di loke ta cobra na belasting. Tur aumento di impuesto existente, plus esunnan nobo a genera pa Pais Aruba. Pa 2022, e total ey a aumenta

pa alcanza 1.367 biyon florin. Pa 2023, a bin acerca un otro 25% na impuesto recaudando 1.716 biyon florin.

Anticipando un año di campaña y sintiendo e rosea cayente di pueblo, Gabinete Wever-Croes II a scoge pa segun nan alivia nan situacion economico. Asina finalmente a bin corda cu desde 2017, den dos gobierno, no a regla indexering y solamente a empobrece nos comunidad mas y mas. A logra convence sindicatonan pa acepta menos di loke nan a entrega durante

pandemia, y riba dje, e funcionario publico lo haya esaki den dos parti, e año aki y otro año.

Pa loke ta trata personal semi-publico y fundacionnan subsidia door di gobierno ta pio ainda pasobra por ehempel e placa cu a gobierno a dispone pa e fundacionnan, ta un pago unico e año aki y no tin mas. Fuera di esey, nan mester aplica p'e y cumpli cu varios rekisito.

Parlamentario Croes ta contento cu maske ta e gruponan aki lo mira algo bek den nan cartera, sinembargo, ta sali for di e punto cu ta henter nos comunidad ta pasando den duro y tur hende merece di haya un alivio pareu.

Danki na recorte den cobertura medico, aumento di tarifa di utilidad y shen di



miyones mas di florin na belasting, e caha di gobierno a yena den ultimo añanan y gobernantenan por pronkia cu un recuperacion economico. “Pero si e recuperacion ey no ta tur hende por sintie, anto ta mescos cu bo no a haci nada.

Tur Arubiano den otro sectoran tambe ta sigui pasa den duro pa por paga nan cas, gasolin, cuminda, scol, etc. Pueblo completo mester di compensacion pa por wanta cabes ariba awa,” asina Gerlien Croes a conclui.

ROTARY CLUB ARUBA TA INSTALA DIRECTIVA NOBO PA 2024-2025



Diabierna ultimo dia 28 di juni 2024, Rotary Club Aruba a instala su directiva nobo pa 2024-25. E evento a tuma lugar na e edificio renoba di Maria Convent na Universidad di Aruba. Presidente saliente Luis Oduber a hiba palabra un rato unda e la desea e Presidente di año Rotariano venidero tur clase di exito y gradici e miembronan y di e club cu a sa di duna nan sosten pa asina Rotary Club Aruba por a sigui cu su aporte y sosten na diferente fundacion riba nos isla.

E anochi a sigui cu instalacion di e directiva nobo bou di guia di Dr. Diego Acevedo, apunta como e siguiente

presidente di Rotary Club Aruba pa año 2024 – 2025. Diego ta miembro di Rotary Club Aruba desde 2017 y a fungi como miembro di directiva pa un par di año.

E otro miembronan di directiva a keda como lo siguiente: Rebecca Maduro (secretaria), Robert Henriquez (tesorero), Luis Oduber (presidente saliente), Rubiela Lampe-Chiquito (director di administracion di e club y vice presidente), Orlando Hoevertsz (director di miembrecia y secretario elegi), Paul Arends (director di proyectonan comunitario), Joost Lomans (director di Rotary Foundation) y Rishi Achaibersing (sergeant at arms).

Durante e anochi di instalacion, Diego a haci entrega tambe di reconocimiento na Presidente Saliente di Rotary Club Aruba Luis Oduber cu un Paul Harris award pin pa su tremendo trabou durante e año cu a pasa y asina termina su presidencia den un forma super ameno y positivo. Tambe Diego a honra miembro Stanley

Looman pa su dedicacion y compromiso pa yuda nos comunidad.

Presidente Diego a hiba palabra reflehando ariba su trayectoria y con e magia di Rotary a hib'e pa join Rotary Club Aruba, facilita pa un encuentro casual na un aeropuerto cu Rotarian Barry Rassin, ex-Presidente di Rotary International. E magia di Rotary, esaki ta e tema pa e año aki. Presidente Diego a enfatisa ariba e magia di Rotary y e nificacion di crea “serendipity”. E la sigui na elabora tres elemento esencial pa logra esaki; siendo curioso, consciente y tumando accion claro semper teniendo na cuenta e “4-way test” di Rotary. Di e cosnan cu nos ta bisa, pensa of haci, nos tin cu puntra nos mes e siguiente 4 preguntanan: Prome: e ta e berdad? di dos: e ta husto pa tur esnan concerni? di tres: e lo yuda construi bon voluntad y mihor amistad? y di cuater: e lo ta beneficioso pa tur concerni?

Presidente Diego ta suma-



mente orguyoso di e impacto positivo cu e famia di Rotary tin den nos comunidad. Rotaract Club Aruba y clubnan Interact Club Colegio Arubano, Interact Club Aruba na de Schakel College y Interact Club na In-

ternational School of Aruba a bin ta hasi un tremendo trabao cu diferente proyecto nan.

Na final Presidente Diego kier a gradici tur esnan cu a haci e anochi di instalacion posibel.

*Ora e solo di bida baha,
streanan ta ilumina e recuerdonan*

SVb, Banco di Seguro Social
ta extende su mas profundo
condolencia na colega
Sra. Gladys Kock y famia
cu fayecimento di su mama

Sra. Vda. Maria del Valle Croes Buckley

Hopi forza den e momentonan dificil aki.
Cu Sra. del Valle Croes Buckley sosega
den paz di Señor.

Di parti di tur colega na SVb



MINISTER ENDY CROES TA FELICITA E ALUMNONAN DI AÑA 3 DI SCOL BASICO CU A HAAL NAN EXAMEN DI LANDAMENTO CU EXITO



ORANJESTAD: Dialuna ultimo, Minister di Enseñansa y Deporte Endy Croes a acudi na Piscina Olimpico Roly Bisslik na Savaneta, unda e alumnonan di aña 3 di scol basico a haci nan examen di landamento. Un proyecto cu a inicia mas di

30 aña pasa, unda ta brinda tur alumno di aña 3 di scol basico les di landamento un (1) bes pa siman y ta haya nan diploma final di aña escolar. Un total di 700 pa 800 alumno di tur scol basico a haci e examen di landamento na Aruba.

Minister Endy Croes ta gradici tur instructor di landamento pa nan dedicacion, pasion y amor durante cada les. Alabes, ta felicita tur mucha cu a haal nan diploma di landamento cu exito e aña escolar aki.

Copa Don Elias Mansur ta bek na RCA Arena y den gran forma !!

RCA ARENA POOL A: JULY 4

7:00PM

9:00PM

ENTRADA: ADULTO - AWG 5,- MUCHA - AWG 2,-

Solito+++ Diahuebs 4 di juli, e popular y grandioso torneo t'ey bek. Fanaticada di futbol ta keda cordialmente invita pa yega Solito ya for di 6'or di atardi. Lo haci apertura y lo duna reconocimiento na cuatro baluarte tricolor. Pa 7'or en punto lo ranca sali cu e "partidaso" entre e team Campeon, cu a caba di promove, Unistars di Pos Chikito vs doño di cas Soldadnan Tricol-

RCA ARENA POOL B: JULY 5

7:00PM

9:00PM

ENTRADA: ADULTO - AWG 5,- MUCHA - AWG 2,-

or. Pa 9'or di anochi "otro tabla lo bula" ora CDRA Cayman di Rooi Afo topa cu RCS di Savaneta. E campeonato lo continua diabierna pa 7or cu Estrella vs Caiquetio y sigi pa Brazil jrs vs Riverplate. Di asabra 7or RCA vs CDRA y despues Unistars vs RCS. Diadomingo pa 6'or atardi ta Estrella vs Brazil jrs y 8'or Caiquetio vs Riverplate. Entrada ta solamente 5 florin y 2 flo-

MATCH SCHEDULE									
Pool A Matches					Pool B Matches				
1. RCA	vs	UNI	19:00 04 July		1. EST	vs	CAI	19:00 05 July	
2. CDRA	vs	RCS	21:00 04 July		2. BRZ	vs	RIV	21:00 05 July	
3. RCA	vs	CDRA	19:00 06 July		3. EST	vs	BRZ	18:00 07 July	
4. UNI	vs	RCS	21:00 06 July		4. CAI	vs	RIV	20:00 07 July	
5. UNI	vs	CDRA	19:00 11 July		5. CAI	vs	BRZ	19:00 12 July	
6. RCA	vs	RCS	21:00 11 July		6. EST	vs	RIV	21:00 12 July	

rin pa mucha. Menu di "Tricolores Corner" lo ta campeon cu Sopi, Burgers, Saté, Pastechi, Loempia, Croquette, Deditos y mas. Lo tin

diferente TV screen pa e weganan di Copa America. Bini uno bini tur, apoya bo ekipo den e dushi ambiente na stadion di RCA

Parlamentario Tevreden (MEP):

Ombudsman finalmente ta bira realidad na Aruba

*Fraccion di MEP lo scoge na un forma imparcial

ORANJESTAD, Aruba 1 di Juli 2024: Parlamentario, Lider di Fraccion di MEP, Hendrik Tevreden ta trece dilanti e tema di 'Ombudsman'. Ombudsman, tambe conoci como defensor di pueblo, tin e responsabilidad pa atende e ciudadanonan cu tin keho riba Gobierno of un departamento specifico. E palabra "Ombudsman" ta nifica 'representante' y e trabou principal ta inclui atende kehonan, investiga nan y duna consejo of yudansa pa busca solucion y husticia.

E sistema di Ombudsman a origina na Suiza y a bira popular den hopi pais rond mundo. Awor, Aruba finalmente ta logra instala su prome Ombudsman y bira e ultimo pais den Reino Hulandes cu a logra esaki.

Segun e ley di Ombudsman, e proceso di nombramento ta detaya. Especificamente, articulo 5 ta stipula cu ta Parlamento ta nombra un Ombudsman. Pero, e candidatonan ta wordo scogi pa presidente di Raad van Advies, presidente di Algemene Kamer, y presidente di Gemeenschappelijk Hof van Justitie di BES y CAS.

Articulo 5, lid 2, ta stipula cu e instancianan

aki tin di presenta na Parlamento no menos cu tres candidato, sin indica un preferencia. E proceso di screening ta riguroso, y pa yega na e tres candidatonan final, por lo menos 9 otro candidato mas a wordo evalua.

Esaki ta indica cu Aruba tin e tres mihor candidatonan pa e funcion cu a wordo presenta na Parlamento, y cualkier cu Parlamento scoge, sigur lo tin e capacidad pa haci un trabou excelente y digno pa comunidad, Tevreden a splica.

No a mantene secrecia rond di nombrenan pa Ombudsman

Na momento cu e nombrenan di e candidatonan a yega Parlamento, e dia siguiente tur informacion a wordo publica den prensa.

"Algo condenabel na mi opinion. Pesey mes momento mi a skirbi un carta pa presidente di Parlamento trata e sucedido aki den CHA. Y ta spera cu e peticion aki wordo tuma na serio ya wordo atendi liher. Bo lo a spera cu algo confidencial ta wordo atendi eticamente pa e Parlamentarionan di cada fraccion, y cu nan lo a mantene

secrecia te ora cu e proceso termina completamente. Pero pa saca probecho politico y mancha comienso di e instituto algun fraccion politico tabata dispuesto pa intercambia informacion cu no mester a comunica ainda cu prensa.

Fraccion di MEP ta condena e hecho cu e informacion tabata den prensa y ta solamente comision di CHA esta tur lidernan di fraccion di Parlamento y e instancianan menciona so ta tin e informacion aki y na e momentonan ey, ni e candidatonan" pa Ombudsman, Tevreden a expresa.

Pasonan siguiente

Parlamento lo tin di tuma nan decision entre e tres candidatonan cu nan number a wordo entrega pa e comision na parlamento pa nombramento. Atrobe ta remarca cu e ley ta indica cu no ta a base di secuencia mester mira e candidatonan, pasobra tur ta apto pa ocupa e funcion.

E candidato cu wordo scogi pa e mayoria den Parlamento lo por asumi e encargo di Ombudsman pa seis aña y despues di esey e lo por bolbe wordo scogi pa otro seis pa un di dos periodo, pero ta Parlamento lo dicidi cu si e Ombudsman lo tin di pasa e proceso di nombramento y screening atrobe.

"Mas sigur oposicion a saca e informacion di nombramento pa prensa, pa asina trece polemica y politica den henter e escogencia di e Ombudsman. Pero contrario na esaki, nos ta spera cu cualkier di candidato pa Ombudsman cu wordo scogi, wordo carga pa comunidad.

Manera e comision cu a scoge e tres nan a remarca cu tur tres ta cualifica y lo por haci un trabou



sublime. Nos tin tur confiansa cu esaki tambe lo ta e caso y di awor caba ta felicita tur tres candidato pa por a yega asina leu y cu esun cu Parlamento scoge di awor tambe nos ta dese'e hopi exito den e funcion", e parlamentario a manifesta.

Parlamento lo tin di dicidi na final kende ta bira Ombudsman, y den number di comunidad Fraccion di

MEP lo scoge na un forma imparcial.

"Nos deseo ta pa por logra un escogencia unanime. Y pa esaki nos fraccion ta dispuesto pa hiba un dialogo cu otro fraccionnan pa asina nombra Aruba su prome Ombudsman of Ombudsvrouw", asina Parlamentario Hendrik Tevreden a finalisa su declaracion.

Clasificados

Icons: Car, House, Shopping Cart, Briefcase, Wrench, People.

CLASSIFIEDS

SOLODIPUEBLO@GMAIL.COM
CEL. 585 9500

SOLO Di Pueblo

OLIVE TREE'S PRE-PAYED FUNERAL PLAN

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com

MINISTER ENDY CROES A PRESENCIA GRADUACION DI SOL PRACTICO PA OFISHI (S.P.O.) BRAZIL A otorga diploma na 26 graduado



ORANJESTAD: Diasabra anochi, den un esfera festivo na Occasion Ballroom a tuma luga Ceremonia di Graduacion di e alumnonan di S.P.O. Brazil. E atardi ameno a inicia cu presentacion di baile di e grupo Kids & Youth in Action, sigui pa himno di Aruba. Despues a sigui cu discurso di director di e scol Sr. Mark Thiel y Minister Endy Croes cu a felicita e graduadonan cu e logro aki.

Minister Endy Croes a subraya cu e resultado ta danki na esfuerso, disciplina, dedicacion y determinacion di e alumno pa por a logra e diploma.

Kisas e no tabata facil, tabatin hopi reto, tabatin dia mas dificil cu otro, pero un a pusha otro cu awe boso a logra! Ta deber di Gobierno di Aruba pa crea un plataforma pa brinda oportunidad na tur alumno pa por educa y prepara nan mes pa futuro. “Nos ta contento cu e grupo di graduado aki, a haci un bon uzo di e oportunidad”, Minister Endy Croes a expresa. Manera ta conocisiman pasa, Minister Endy Croes a anuncia cu desde aña escolar 2024 -2025 S.P.O. ta continua cu aña 4 y 5. E meta di proyecto aki ta pa ofrece e alumnonan cu termina S.P.O. un alternativa pa sigui studia,

momento cu nan no por continua nan estudio na E.P.B. A inicia e proyecto aki pa motibo cu e alumnonan di S.P.O. ta demasiado hoben (average di 15 aña), momento cu nan termina S.P.O. y no ta cla pa drenta mercado laboral. Ademas di esaki, no tin suficiente tempo pa nan por acumula experiencia di pasantia.

E 26 graduadonan ta consisti di 20 alumno di e Trayecto Regular, cual 12 a termina nan estudio den e sector di Horeca / Administracion y Comercio y 8 a finalisa den e sector di Tecnica / Cuido di Mata y Bestia. Un total di 6 studi-

ante a caba e Trayecto cu Guia (IPO), cual 2 a termina den sector Horeca / Administracion y Comercio y 4 den e sector Tecnica / Cuido di Mata y Bestia. E miho graduado di S.P.O. ta Loudrick Arendsz y e miho graduado di Trayecto cu Guia Julaika Elien. Despues di e bunita ceremonia e hoben talentoso J-Vion a deleita esnan presente cu un magnifico presentacion di mariachi.

Den nomber di Gabinete Wever – Croes II, Minister Endy Croes a felicita e graduadonan. Alabes, Minister Endy Croes ta gradici director Sr. Mark

Thiel, staf, mentor, docente- y mayornan cu a contribui den e logro di e graduadonan y desea tur graduado hopi exito den nan futuro. Nos ta orguyoso di boso!



ELMAR ta Lamenta e Fatalidad Tragico di Contratista y Ta Expresa Profundo Condolencia na Famia, Amigonan y Coleganan



Oranjestad, 2 di juli 2024 ta confirma un sucedido -Cu gran tristesa,ELMAR tragico cu a tuma lugar

ELMAR ta realizando un investigacion, y alabes colaborando cu autoridadnan local pa identifica e circunstancianan rond di e accidente aki.

Regularmente, nos ta contrata companianan pa snoei mata cu ta pone un riesgo inmediato pa nos infraestructura.

Esaki ta trabounan necesario pa siguransa y confiabilidad di e grid.

Patrick Thode tabata un contratista balioso, cumpliendo mas cu un decada eherciendo e tipo di trabounan aki pa ELMAR.

Nos pensamento ta cu e famia, amigonan, y coleganan di e fayecido durante e tempo dificil aki. Gerencia di ELMAR ta extende nos mas profundo condolencia y forsa na e famia.



8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

awe mainta, diamars 2 di juli 2024, involviendo un di nos contratistanan cu años di experiencia.

Durante trabou di man-tencion rutinario pa corta mata riba area publico cu ta stroba nos liñanan di luz di caya, un contratista lamentablemente a fayece.

Den e momentonan aki, e causa di fatalidad no a wordo confirma pa autoridad ainda.

Clasificados

SOLODIPUEBLO@GMAIL.COM
CEL.585 9500

Gradicimento / Invitacion

Pa media di esaki famia ta gradici tur esnan cu a haci acto di presencia na entierro di nos defunto stima:

Virginia Criskla Maria Angela "Vilma"

Un danki na tur esnan cu a expresa nan condolencia via facebook,whatsapp, jamadanan y presencia. Un danki especial na Sra. Roosje Growell pa su dedicacion y atencion na Vilma.

Ta invita pa asisti na 2 Santo Sacrificio di misa cual lo tuma lugar na Misa Inmaculada concepcion na Sta. Cruz dia:
Diahuebs 04 di juli 2024 pa 7:00 pm
Diasabra 06 di juli 2024 pa 7:00 pm

Bo(so) presencia lo ta altamente aprecia.